



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00 i člana 102/09), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2008. GODINU BOŠNJAČKE SELJAČKE STRANKE

Broj: 03-07-6-69/09
Sarajevo, 17.02.2010. godine

SADRŽAJ

MIŠLJENJE REVIZORA	3
1. UVOD	3
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE.....	6

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled finansijskih izvještaja Bošnjačke seljačke stranke za 2008. godinu i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2008. godine.

Rukovodstvo stranke je odgovorno za finansijske izvještaje, postupanje u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Bošnjačka seljačka stranka nije ispoštovala odredbe člana 6. i člana 11. stav (3) Zakona o finansiranju političkih stranaka jer nije prijavila prilog, finansijski izvještaj je dostavila izvan zakonom propisanog roka i isti nije popunila u skladu sa Pravilnikom o godišnjim finansijskim izvještajima političkih stranaka.

Pregledom, odnosno kontrolom finansijskog izvještaja, osim gornje napomene nismo zapazili ništa značajno što bi ukazalo na nedostatke u finansijskom izvještaju ili finansiranju ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) izvršila je pregled finansijskih izvještaja Bošnjačke seljačke stranke za 2008. godinu i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2008. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

U godišnjem finansijskom izvještaju za 2008. godinu Bošnjačka seljačka stranka je iskazala prihod u iznosu od 8.738,69 KM, što je iskazano u narednoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0,00	
2	Prilozi fizičkih lica	5.030,00	57,56%
3	Prilozi pravnih lica	1.100,00	12,59%
4	Prihodi od imovine	0,00	
5	Prihodi od pr.lica	0,00	
6	Prihodi od poklona	0,00	
7	Prihodi iz budžeta	2.608,69	29,85%
	Ukupni prihodi:	8.738,69	100,00%

Prema podacima iz godišnjeg finansijskog izvještaja Bošnjačka seljačka stranka je ostvarili rashode u iznosu 8.589,74 KM.

2. PREDSTAVLJANJE POLITIČKE STRANKE

Naziv političke stranke je Bošnjačka seljačka stranka. Skraćeni naziv stranke je BSS. Stranka je registrovana 18.01.2008. godine u Osnovnom sudu u Brčko Distriktu BiH pod brojem 096-0-Dps-07-000002.

Sjedište Bošnjačke seljačke stranke je u Brčko Distriktu BiH, ulica Brka bb.

Lice ovlašteno za zastupanje stranke je Mirsad Mujkanović, predsjednik stranke.

Lice ovlašteno za podnošenje finansijskih izvještaja je Ibrahim Tursunović.

Prema podacima iz finansijskog izvještaja, Bošnjačka seljačka stranka nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Bošnjačke seljačke stranke za 2008. godinu i finansijski izvještaj za period od dana podnošenja prijave za ovjeru za izbore do dana ovjere rezultata Lokalnih izbora održanih u oktobru 2008. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je Bošnjačka seljačka stranka u izvještajnom periodu postupala u skladu sa odredbama Zakona o finansiranju političkih stranaka i člana 15.10. Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja Zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Bošnjačke seljačke stranke obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka.

4. PRETHODNE KONTROLE I REVIZIJE

Kontrola finansijskih izvještaja Bošnjačke seljačke stranke se obavlja prvi put.

5. NALAZI I PREPORUKE

5.1. NALAZI

Bošnjačka seljačka stranka je prekršila odredbe člana 6. Zakona o finansiranju političkih stranaka.¹

Stranka je ostvarila nenovčani prilog koristeći poslovne prostorije fizičkog lica bez naknade,² a da pri tome nije isti prijavila, što je suprotno odredbama člana 6. Zakona.

Stranka je prekršila odredbe člana 11. stav (3) Zakona o finansiranju političkih stranaka.³

- Godišnji finansijski izvještaj za 2008. godinu stranka je podnijela 07.05.2009. godine, odnosno nakon isteka roka koji je propisan Zakonom o finansiranju političkih stranaka.
- Finansijski izvještaj nije popunjen u skladu sa Pravilnikom o godišnjim finansijskim izvještajima političkih stranaka („Službeni glasnik BiH broj 61/06).

U finansijskom izvještaju na Obrascu 3-e (Nenovčane donacije i računi koje politička stranka nije imala obavezu platiti) koji je dostavila Centralnoj izbornoj komisiji BiH, stranka nije iskazala

¹ Prema odredbama člana 6. Zakona o finansiranju političkih stranaka, ako ukupan iznos priloga jednog lica iz člana 4. stav (1) Zakona premašuje 100 KM, ta uplata se mora unijeti u finansijski izvještaj u skladu sa članom 11.

² Ugovor o zakupu sačinjen dana 30.01.2008. godine između stranke i fizičkog lica.

³ Političke stranke su obavezne da Centralnoj izbornoj komisiji BiH podnesu finansijski izvještaj do 31.03. naredne godine u formi koju je odobrila Centralna izborna komisija BiH. Sadržaj i forma finansijskog izvještaja su propisani Pravilnikom o godišnjim finansijskim izvještajima političkih stranaka.

nenovčani prilog koji je ostvarila koristeći bez naknade poslovni prostor, suprotno odredbama člana 18. Pravilnika o godišnjim finansijskim izvještajima političkih stranaka.⁴

Politička stranka u finansijskom izvještaju na obrascu 3-b (Prilozi pravnih lica veći od 100 KM) nije iskazala identifikacioni broj za jedno pravno lice od kojeg je primila prilog, te je na taj način prekršila odredbe člana 15. Pravilnika.⁵

Troškovi predizborne kampanje

Bošnjačka seljačka stranka je postupila u skladu sa odredbama člana 15.10 Izbornog zakona BiH, odnosno u svrhu izborne kampanje je potrošila 3.575,04 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM⁶ po biraču u svakom izbornom krugu, prema broju birača koje je objavila Centralna izborna komisija BiH.

Prema podacima Centralne izborne komisije BiH, Bošnjačka seljačka stranka je u svrhu izborne kampanje za Lokalne izbore 2008. godine mogla potrošiti 24.062,40 KM.

5.2. PREPORUKE

Preporučuje se Bošnjačkoj seljačkoj stranci da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- ***da postupa u skladu sa odredbama člana 6. Zakona o finansiranju političkih stranaka, odnosno da prijavljuje priloge u finansijskom izvještaju,***
- ***da postupa u skladu sa odredbama člana 11. stav (3) Zakona o finansiranju političkih stranaka, odnosno da finansijske izvještaje podnosi Centralnoj izornoj komisiji Bosne i Hercegovine u zakonom propisanom roku i u formi propisanoj Pravilnikom o godišnjim finansijskim izvještajima političkih stranaka.***

⁴ Član 18. Pravilnika o godišnjim finansijskim izvještajima političkih stranaka propisuje da se u Obrazac 3-e (Nenovčane donacije i računi koje politička stranka nije imala obavezu platiti) unose sljedeći podaci: naziv organizacionog dijela političke stranke, donator, vrsta poklona ili usluge, datum primljenog poklona ili usluge, ukupna vrijednost poklona ili usluge i vrijednost koju politička stranka nije imala obavezu platiti.

⁵ Član 15. Pravilnika propisuje da se u obrazac 3-b (Prilozi pravnih lica veći od 100 KM) unose sljedeći podaci: naziv organizacionog dijela političke stranke, ukupan iznos priloga čija je pojedinačna vrijednost manja od 100 KM, naziv pravnog lica čiji je prilog veći od 100 KM, identifikacioni broj dobiven od nadležnog poreskog organa, datum kada je prilog dat i iznos priloga.

⁶ Član 15.10 stav 2. istog člana propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

KOMENTAR

Bošnjačka seljačka stranka se nije očitovala na nalaze revizije i mišljenje revizora dato u preliminarnom izvještaju o pregledu godišnjeg finansijskog izvještaja za 2008. godinu koji joj je dostavljen 30.12.2009. godine.

Mr. Hasida Gušić, šef Službe za reviziju – revizor

Veliborka Kravljača, pomoćnik revizora